

HUI-LÍP-PÍ JÍN SU (50)

1 Ki-tok Iâ-so· ê lô·pók Pó-lô Thê-mô·-thài phoe kià hō· khiā-khí Hui-líp-pí, tiàm-tī Ki-tok Iâ-so·, lóng-chóng ê sèng-tô·, kap chiah ê kam-tok í-kíp chip-sū; ²goān lín tui lán ê Pē Siōng-tè kap Chú Iâ-so· Ki-tok tit-tiòh un-tián pêng-an.

³Goá kìⁿ-ū siàu-liām lín, chiū kám-siā goá ê Siōng-tè, ⁴ták pái ūi-tiòh lín cheng lāng kī-tó ê sī, siōng-siōng hoaⁿ-hí lāi kī-tó, ⁵in-ūi lín tui thau chit jít kàu taⁿ, saⁿ-kap ū hūn tī heng-khí hok-im; ⁶goá iā chhim sìn khí-thau choè hó ê kang tī lín ê, beh chiáⁿ i kàu tī Iâ-so· Ki-tok ê jít; ⁷koh goá ūi-tiòh lín cheng lāng ū chit hō sim-chì sī háp-gī, in-ūi lín siōng-siōng tī goá ê sim-lāi, bô lūn goá tī thih-liān tiong, í-kíp piān-bêng lāi kian-kò· hok-im ê sī, lín cheng lāng kap goá ū hūn tī un-tián. ⁸In-ūi Siōng-tè ká goá choè kan-cheng, goá thé Ki-tok Iâ-so· ê sim, ū cháiⁿ-iūⁿ loan-bō· lín cheng lāng. ⁹Koh goá só· kiū ê chiū-sī hō· lín ê jín-ài, tī tì-hūi í-kíp ták iūⁿ ê hiáu-ngō·, chhiong-moá iū-koh chhiong-moá, ¹⁰tì-kàu lín oē giām-chhut hiah ê khah hó ê sū, hō· lín sūn-choân bô that-gāi, kàu tī Ki-tok ê jít; ¹¹êng gī ê ké-chí moá-moá, chiū-sī tui Iâ-so· Ki-tok ū ê, beh hō· Siōng-tè tit-tiòh êng-kng o-ló.

¹²Hiaⁿ-tī ah, goá ái lín chai goá só· tú-tiòh ê tãi-chì tú-tú sī hō· hok-im khah chìn-pō·; ¹³tì-kàu goá ê koà thih-liān tī Ki-tok lāi hián-

bêng tī choân iāⁿ, kap kī-û ê cheng lāng; ¹⁴koh tì-kàu tiàm-tī Chú ê hiaⁿ-tī toā poāⁿ tui goá ê koà thih-liān lāi chhim sìn, it-hoat hó-táⁿ bô kiaⁿ, lāi kóng Siōng-tè ê tō-lí. ¹⁵Taⁿ lāng teh thoân Ki-tok, ū-ê sī chhut tī oân-tò· oan-ke, ū-ê sī chhut tī hó ì-sù. ¹⁶Chiah-ê sī chhut tī jín-ài, in-ūi chai goá sī ūi-tiòh piān-bêng hok-im lāi siat-líp ê. ¹⁷Hiah-ê teh pò-iông Ki-tok sī chhut tī kiat-tóng, m̄ sī sít-sim; in ê ì-sù sī ài hō· goá tī thih-liān tiong lēng-goā ke-thiⁿ kan-khó·. ¹⁸Án-ni chiū cháiⁿ-iūⁿ? Hék-sī ké, hék-sī chin, bô lūn cháiⁿ-iūⁿ, kun-tú sī thoân Ki-tok; goá in-ūi án-ni chiū hoaⁿ-hí, iā beh hoaⁿ-hí. ¹⁹In-ūi goá chai chit ê sū, tui lín ê kī-tó, í-kíp Iâ-so· Ki-tok ê Sìn ê siúⁿ-sù, beh tì-kàu goá tit-tiòh kiū, ²⁰chiàu goá só· chhiat-chhiat him-bō· kap òng-bāng ê, chiū-sī goá bô chit hāng sū kiàn-siàu, hoān sū hó-táⁿ, hiān-kim iā chiàu pêng-siōng án-ni, hék-sī tui sí hék-sī tui oáh, Ki-tok beh tī goá ê seng-khu tit-tiòh êng-kng. ²¹In-ūi lūn-kàu goá, oáh chiū-sī Ki-tok, sí chiū-sī lī-ek. ²²Siat-sú oáh tī jiók-thé, che sī choè goá ê kang ê ké-chí, goá iā m̄ chai beh cháiⁿ-iūⁿ keng. ²³Goá tī líong-lân ê tiong-kan, chin ài tò-khì kap Ki-tok saⁿ-kap tī-teh, sī put-chí khah hó. ²⁴Chóng-sī iū-goân toà tī jiók-thé, ūi-tiòh lín ê iân-kò·, sī koh khah iàu-kín. ²⁵Goá í-keng chhim sìn chit-ê, chiū chai goá beh iū-goân tī-teh, iā kap lín cheng lāng saⁿ-kap tī-teh, tì-kàu lín ê sìn tit-tiòh chìn-

pō· koh hoaⁿ-hí; ²⁶hō· lín tī Ki-tok Iâ-so· ê khoa-kháu ũi-tiòh goá oē ná chhiong-moá, sī tui goá kap lín koh tī-teh. ²⁷Tók-tók lín kiâⁿ tãi-chì tiòh háp tī Ki-tok ê hok-im; hō· goá kiám-chhái lâi kìⁿ-tiòh lín, á-sī lī-khui lín, oē thiaⁿ-kìⁿ lín ê tãi-chì, chiū-sī lín tī chit ê sìn khiā-chāi, ēng chit sim ũi-tiòh hok-im ê sìn saⁿ-kap chhut-lát; ²⁸hoān tãi-chì bô hō· tui-ték phah-kiaⁿ; che sī choē in biát-bô ê pîn-kù, iā sī choē lín tit kiù ê pîn-kù; lóng sī tui Siōng-tè. ²⁹In-ũi í-keng siūⁿ-sù lín ũi-tiòh Ki-tok, m̄ nā sìn-khò I, koh ũi-tiòh I siū khò; ³⁰lín chhut-lát kau-chiàn, kap cheng só· khoàⁿ-kìⁿ goá ê, hiān-kim só· thiaⁿ-kìⁿ goá ê, saⁿ-tâng.

2 Sô·-í nā tī Ki-tok ũ sim-mih khoàn-bián, á-sī sim-mih jîn-ài ê an-ũi, á-sī ũ Seng Sìn ê sim-mih kau-thong, á-sī ũ sim-mih chú-pi lín-bín, ²lín tiòh hō· goá ê hoaⁿ-hí chhiong-moá, chiū-sī tâng sim-chì, tâng jîn-ài, sim-sìn hô-háp, sim-chì choan-it; ³hoān sū bôh-tit ũi-tiòh kiát-tóng, á-sī ũi-tiòh khang-khang ê êng-kng, lâi choē; tók-tók tãi-ke ēng khiam-sùn ê sim khoàⁿ pát lêng khah iâⁿ tī pún-sin. ⁴Lín ták lêng bôh-tit kò ka-kī ê sū, iā tiòh kò pát lêng ê sū. ⁵Lín tiòh ũ Ki-tok Iâ-so· ê sim choē sim; ⁶I pún ũ Siōng-tè ê hêng-chōng, bô liáh kap Siōng-tè pīⁿ téng choē só· tiòh chip-siú ê, ⁷hoán-túg piàⁿ-khang ka-kī, chhú lô·pók ê hêng-chōng, chiâⁿ-choē lêng ê iūⁿ-siūⁿ; ⁸í-keng ũ chhin-chhiūⁿ lêng ê khoán-sit, chiū khut ka-kī, sūn-hók kàu tī sí, sīm-chì sí tī sġp-jī-kè. ⁹Sô·-í Siōng-tè ko-seng I kék koaiⁿ, siūⁿ-sù I hit ê miâ, poâⁿ-kè tī bân miâ ê téng-bīn ê; ¹⁰hō· kìⁿ-nā tī thiⁿ, tī toē, kap tī toē-ē ê, tī Iâ-so· ê miâ, bô chit ê kha-thâu-u m̄ kúi-pài, ¹¹bô chit ê chhui m̄ chheng-ho· Iâ-so· Ki-tok choē Chú, lâi kui êng-kng Pē Siōng-tè.

¹²Sô·-í, goá só· thiàⁿ ê hoaⁿ-tī ah, chhin-

chhiūⁿ lín bat siōng-siōng sūn-thàn, m̄ nā tī goá kap lín tī-teh ê sī, chiū hiān-kim goá bô kap lín tī-teh, it-hoat tiòh ēng kiaⁿ-hiāⁿ ngiāuh-ngiāuh-chhoah, lâi choē-chiāⁿ lín ka-kī ê tit kiù; ¹³in-ũi lín ũ hit ê ì-goān, ũ hit ê só· kiâⁿ, lóng sī tui Siōng-tè ũi-tiòh I ê hó-ì lâi kiâⁿ tī lín sim-lâi. ¹⁴Lín hoān sū bôh-tit ngáuh-ngáu-liām, bôh-tit cheng-piān; ¹⁵chiah hō· lín bô thang hiām, chin-sit bô ké, choē Siōng-tè ê kiáⁿ-jī, bô hā-chhiū tī siā-phiah hêng-gék ê sè-kài; lín tī in tiong-kan chhut-hiān, chhin-chhiūⁿ chiò-kng tī sè-kan ê, hiān-bêng oáh-miâ ê tō-lí; ¹⁶hō· goá kàu tī Ki-tok ê jīt ũ thang khoa-kháu, in-ũi goá m̄ sī khang-khang pháu-cháu, iā m̄ sī khang-khang tiòh-boā. ¹⁷Chiū nā ēng lín ê sìn choē chè-mih lâi hók-sāi, goá choē koàn-tiān tī hit téng-bīn, goá sī hoaⁿ-hí, iā kap lín cheng lêng saⁿ-kap hoaⁿ-hí; ¹⁸lín iā tiòh án-ni hoaⁿ-hí, soà kap goá saⁿ-kap hoaⁿ-hí.

¹⁹Nā-sī goá tiām-tī Chú Iâ-so· òng-bāng kín kín chhe Thê-mô-thài khi chiū-kūn lín, hō· goá chai lín ê sū, lâi an goá ê sim. ²⁰In-ũi goá bô pát ê tâng-sim ê lêng, chin-chiàⁿ khoà-lū lín ê tãi-chì ê. ²¹In-ũi cheng lêng lóng sī tô·bô ka-kī ê sū, m̄ sī tô·bô Iâ-so· Ki-tok ê sū. ²²Nā-sī Thê-mô-thài ê keng-giām lín chai, chiū-sī kap goá saⁿ-kap tiòh-boā lâi heng-khi hok-im, chhin-chhiūⁿ kiáⁿ tui pāu-pē án-ni. ²³Sô·-í goá khoàⁿ goá ê tãi-chì cháiⁿ-iūⁿ, òng-bāng liām-piⁿ chhe i khi. ²⁴Chóng-sī goá tiām-tī Chú chhim sìn pún-sin iā beh kín kín kàu. ²⁵Nā-sī goá siūⁿ iàu-kín tiòh chhe Í-pa-hut-thê chiū-kūn lín, i chiū-sī goá ê hiaⁿ-tī, tâng choē kang ê, tâng tng-peng ê, iā sī lín ê sù-chiá, kiong-kip goá só· khiām-ēng ê; ²⁶in-ũi i loan-bô lín cheng lêng, lâi chhám-chhoeh, sī lín bat thiaⁿ-kìⁿ i phoà-prⁿ; ²⁷i kó-jian ũ phoà-

pīⁿ kàu hiám-hiám sí; nā-sī Siōng-tè lín-bín i, m̄ nā lín-bín i, iā lín-bín goá, bián-tit goá tī iu-būn tiong ke-thiⁿ iu-būn. ²⁸Só·í goá koh khah tì-ì chhe i, hō· lín koh khoàⁿ-kìⁿ i, lâi hoaⁿ-hí, goá chiū khah bô iu-būn. ²⁹Só·í lín tiàm-tī Chú tiòh hoaⁿ-hoaⁿ hí-hí chiap-láp i, iā tiòh chun-tiōng chhin-chhiūⁿ chit hō ê lâng. ³⁰In-ūi i ūi-tiòh choè Ki-tok ê kang hiám-hiám sí, ka-kī piàⁿ-miā, beh pó· lín hók-sāi goá só· bô kàu ê.

3 Goá ê hiaⁿ-tī ah, kiát-bé lâi kóng, lín tiòh tiàm-tī Chú hoaⁿ-hí. Goá koh siá chiah ê oē hō· lín, chāi goá boē hùi-khì, chāi lín sī thò-tòng. ²Tiòh tī-hông chiah ê pháiⁿ-káu, tī-hông chiah ê choè pháiⁿ ê, tī-hông chiah ê siū siong-koah ê. ³In-ūi lán ēng Siōng-tè ê Sîn lâi hók-sāi, tiàm-tī Ki-tok Iâ-so· lâi khoa-kháu, bô óa-khò jiók-thé ê, chiah sī siū kat-lé ê. ⁴Sui sī án-ni, goá iā ū thang óa-khò jiók-thé; nā pát lâng liáh-choè ū thang óa-khò jiók-thé, goá chiū koh khah ū. ⁵Goá tē poeh jīt siū kat-lé, sī Í-sek-liát chók ê lâng, Piān-ngá-bín ê chi-phài, sī Hi-pek-lâi lâng só· siⁿ ê Hi-pek-lâi lâng, chiàu lút-hoat chiū-sī Hoat-lī-sài lâng, ⁶chiàu jiát-sim chiū-sī khún-tiók kàu-hoē, chiàu tī lút-hoat ê gī chiū-sī bô phāng thang hiām. ⁷Nā-sī pêng-sò· choè goá ê lī-ek ê, goá ūi-tiòh Ki-tok í-keng khoàⁿ i choè sún-hāi. ⁸M̄ nā án-ni, goá chin-chiàⁿ khoàⁿ bān sū choè sún-hāi, in-ūi goá liáh bat goá ê Chú Ki-tok Iâ-so· choè tē it hó; goá ūi-tiòh I bat sún-sit it-chhè, iā khoàⁿ choè pùn-sò, sī ài tit-tiòh Ki-tok, ⁹lâi tng-tng tiàm-tī I, m̄ sī ū ka-kī ê gī, chhut tī lút-hoat ê, chiū-sī ū tui sìn Ki-tok ê gī, Siōng-tè ūi-tiòh sìn só· siúⁿ-sù ê; ¹⁰hō· goá bat I, kap I koh-oáh ê koân-lêng, í-kíp ū hūn I ê siū-khó, lâi òh I ê sí, ¹¹khoàⁿ oē tit thang kàu tī hit ê tui sí-lâng tiong ê

koh-oáh. ¹²M̄ sī kóng goá í-keng tit-tiòh, á-sī í-keng oân-choân; tók-tók cháu chìn-chêng, khoàⁿ oē thang tit-tiòh Ki-tok Iâ-so· ê só·í tit-tiòh goá ê. ¹³Hiaⁿ-tī ah, goá bô liáh ka-kī choè í-keng tit-tiòh; tók-tók choan-bū chit hāng, chiū-sī boē kì-tit āu-bīn ê sū, tì-ì thâu-chêng ê sū, ¹⁴ng só· chhah ê pio lâi cháu, kàu tit-tiòh Siōng-tè tī Ki-tok Iâ-so·, tui téng-bīn tiâu lán ê siúⁿ. ¹⁵Só·í lán kìⁿ-nā choè oân-choân ê tiòh chūn chit ê sim-chì; nā tī sim-mih sū lín chūn pát iūⁿ ê sim-chì, Siōng-tè iā beh ēng chit-ê chí-sī lín. ¹⁶Nā-sī lán só· í-keng kàu ê, tiòh chiàu chit-ê lâi kiāⁿ.

¹⁷Hiaⁿ-tī ah, lín tiòh saⁿ-kap òh goá; lín ū goán choè bô·iūⁿ, chiū tiòh tì-ì khoàⁿ hiah ê chiàu án-ni kiāⁿ ê. ¹⁸In-ūi ū choē-choē lâng kiāⁿ tãi-chì, sī goá bat táuh-táuh ká lín kóng, taⁿ iā lâu bák-sái ká lín kóng ê, in chiū-sī Ki-tok síp-jī-kè ê tui-ték; ¹⁹in ê kiát-kiók sī tīm-lūn, in ê siōng-tè sī in ê pak-tó, in ê ēng-kng sī tī in ê kiàn-siàu, in só· tì-chì sī toē-chiūⁿ ê sū. ²⁰In-ūi lán sī thiⁿ-téng ê kok-bīn, iā ng-bāng Chín-kiū-ê tui hia lâi, chiū-sī Chú Iâ-so· Ki-tok; ²¹I kì-jian ū koân-lêng oē hō· bān mih hāng-hók I pún-sin, chiū beh ēng hit ê koân-lêng lâi piàn-oāⁿ lán pi-chiān ê seng-khu, kap I ēng-kng ê seng-khu tâng khoán.

4 Só·í goá só· thiàⁿ só· him-bō· ê hiaⁿ-tī, choè goá ê hoaⁿ-hí, choè goá ê bián-liū ê, só· thiàⁿ ê ah, tiòh án-ni khiā-chāi tī Chú.

²Goá khng Iú-o-tia koh khng Sūn-to·-ki, tiòh tâng-sim tī Chú. ³Koh chin ê tâng-phoāⁿ ah, goá iā kiū lí pang-chān chí nng ê hū-jîn-lâng, in-ūi in bat kap goá tâng chhut-lát tī hok-im, iā kap Kek-lī-bián, í-kíp kī-ū kap goá tâng tiòh-boā ê, in ê miā kì tī oáh-miā ê chheh.

⁴Tiòh siōng-siōng tiàm-tī Chú lâi hoaⁿ-hí;

goá beh koh kóng i, Tiòh hoaⁿ-hí. ⁵Lín ê sùn-liông tiòh tùi cheng lāng hián-bēng. Chú kún lah. ⁶It-khài bôh-tit khoà-lū; tók-tók bān sū tiòh ēng kī-tó khún-kiū kap kám-siā, chiong lín só· kiū ê pāi-liát tī Siōng-tè; ⁷chiū Siōng-tè ê pēng-an, poāⁿ-kè it-chhè lāng só· siūⁿ oē kàu ê, beh tī Ki-tok Iā-so· pó-siú lín ê sim, lín ê liām-thâu.

⁸Taⁿ hiaⁿ-tī ah, kiāt-bé lâi kóng, kīⁿ-nā chin-sít ê, kīⁿ-nā khó-kèng ê, kīⁿ-nā kong-gī ê, kīⁿ-nā chheng-kiat ê, kīⁿ-nā thang thiāⁿ ê, kīⁿ-nā hó miā-siāⁿ ê, nā ū sím-mīh tek-hēng, sím-mīh thang o-ló, chiaⁿ-ê lín tiòh siāu-liām. ⁹Lín tùi goá só· hāk-síp, só· niá-siū, só· thiaⁿ-kīⁿ, só· khoàⁿ-kīⁿ ê, lóng tiòh kiāⁿ i; chiū siúⁿ-sù pēng-an ê Siōng-tè beh kap lín tī-teh.

¹⁰Goá tiām-tī Chú toā-toā hoaⁿ-hí, in-ūi lín siāu-liām goá ê sim-chì taⁿ ū koh puh-íⁿ; lín pēng-sò· ū chit hō siāu-liām, put-kò sī bô ki-hoē nā-tiāⁿ. ¹¹Goá kóng án-ni, m̄ sī ūi-tiòh ēng bô kàu ê iān-kò; in-ūi goá í-keng hāk-síp, put-lūn sím-mīh keng-gū, bô m̄ ti-chiok. ¹²Goá chai-iaⁿ tiām-tī pi-chiān, iā chai-iaⁿ tiām-tī hū-chiok; hēk-sī pá, hēk-sī iau, hēk-sī hū-chiok, hēk-sī kheh-khiām, hoān sū goá lóng láu-liām. ¹³Tiām-tī siúⁿ-sù goá khui-lát ê, goá sū-sū lóng oē. ¹⁴Sui sī án-ni, lín thé-thiap goá ê hoān-lān, che sī chin hó. ¹⁵Hui-lip-pí lāng ah, lín iā ka-kī chai tī thoān hok-im ê khí-thâu, goá lī-khui Má-kī-tùn ê sī, kap goá chiap-chhiú ê chí ū lín, pát ê kàu-hoē bô; ¹⁶in-ūi liān goá tī Thiap-sat-lô-ni-ka ê sī, lín iā chit pái koh chit pái chhe lāng kiong-kip goá só· khiām-ēng. ¹⁷M̄ sī goá teh kiū lāng sàng mīh, tók-tók sī kiū ké-chí ná choē, lâi kī-lóh lín ê siāu. ¹⁸Nā-sī goá ū chiaⁿ ê mīh, kàu-giāh ū chhun; goá í-keng chhiong-chiok, sī bat tùi Í-pa-hut-thē siū-tiòh lín kiā-lâi ê mīh, chiū-

sī phang-phang ê bī, choē thang chiap-láp ê chè-mīh, Siōng-tè só· hoaⁿ-hí ê. ¹⁹Koh goá ê Siōng-tè beh chiàu I ēng-kng tiong ê pū-ū, tī Ki-tok Iā-so·, pó·chiok lín it-chhè ê khiām-kheh. ²⁰Goān ēng-kng kui tī lán ê Siōng-tè lán ê Pē, kàu tī-tī bô soah. À-bēng.

²¹Chhéng-an tiām-tī Ki-tok Iā-so· ták ê sèng-tô·. chiaⁿ ê kap goá tī-teh ê hiaⁿ-tī chhéng-an lín. ²²Chiaⁿ ê sèng-tô· lóng chhéng-an lín; siók tī Kai-sat ê ke ê, koh khah tī-ì chhéng-an lín.

²³Goān Chú Iā-so· Ki-tok ê un-tián kap lín ê sūn saⁿ-kap tī-teh.